


廿九



曠

按注

後漢書西域傳論贊

范曄

人

至於佛道神化與自身毒而二漢方志莫有稱焉張
 騫但著地多暑濕乘象而戰班勇雖列其奉浮圖不
 殺伐而精文善法導達之功靡所傳述余聞之後說
 也其國則殷乎中土玉燭和氣天竺國記云中天竺人般樂無戶籍耕王
 地者輪地利又其土和適無冬夏之異草木靈聖之
 常茂種田無時節爾雅曰四時和謂之玉燭所降集賢懿之所挺生
 本行經曰釋迦菩薩在兜率隨天為諸天無量無邊諸眾
 說法又觀我今何處成道利益眾生乃觀見宜於南
 閻浮提生有大利益又云誰中與我為父母者觀見
 宜於天竺刹利種迦毘羅城白淨王摩邪夫人可為
 父母又云四生之中何生利益觀見同眾生胎生我

若化生諸外道等即誹謗我是幻術也爾時菩薩觀
 已示同諸天五衰相現命諸同侶波斯匿王等諸王
 中生皆作國王與我為檀越命阿難及諸人等同生
 為弟子命舍利佛等外道中生我成道時當受我化
 回邪入正又有無量眾生同隨神迹詭怪則理絕人
 菩薩於天竺受生多所利益也
 區維摩經曰以四大海水入一毛孔中不撓魚鼈等
 而彼大海本相如故又舍利佛住不思議菩薩斷
 取三千大千國界如陶家輪著右掌中擲過恒河沙
 國界之外其中眾生不覺不知又復還本處都不使
 人有往感驗明顯則事出天外涅槃經曰阿闍王令
 來相醉象蹋佛佛以慈善
 根力舒其五指遂為五師子見爾時醉象惶懼而退
 又五百羣賊劫奪人庶波斯匿王收捉剌其兩目棄
 入院中爾時羣賊苦痛不已同時發聲念南無佛隨
 達摩佛以慈善根力雪山吹藥令人賊眼皆悉平復
 如本而騫超無聞者豈其道閉往運數開叔葉乎不然

何誣異之甚也漢自楚英始盛齋戒之祀桓帝又脩

華蓋之飾將微義未譯而但神明之邪詳其清心釋

累之訓空有兼遣之宗道書之流也清心謂忘思慮也釋累謂去貪

欲也不執著為空執著為有兼遣謂不空不有虛實

兩忘也維摩詰云我及涅槃此二皆空老子云常無

欲觀其妙常有欲觀其且好仁惡殺蠲傲崇善所以

微故曰道書之流也

賢達君子多愛其法焉然好大不經奇譎無已維摩經曰

爾時毘邪離有長者子名曰寶積與五百長者子俱
 持七寶蓋來詣佛所頭面禮足各以其蓋共供養佛
 佛威神力令諸寶蓋合成一蓋徧覆三千大千國界
 諸須彌山乃至日月星宿并十方諸佛說法皆現於
 寶蓋中又維摩詰三萬二千師子坐高八萬四千由
 旬高廣嚴淨來入維摩方丈室包容無所妨礙又四

大海水入毛孔須雖鄒衍談天之辯莊周蝸角之論
 彌山入芥子等也史記曰談天衍劉向別錄曰鄒衍之所言五德終始
 天地廣大其書言天事故曰談天莊子曰有國於蝸
 之左角者曰觸氏有國於蝸之右角者曰蠻氏相與
 爭地而戰伏尸數萬逐北旬有五日而後反郭璞注
 爾雅云蝸牛音瓜談天言大蝸角喻小也尙未足以槩其萬一又精靈起
 滅因報相尋若曉而昧者故通人多惑焉精靈起滅
 滅謂死輪
 同無窮己因報相尋謂行有善惡各緣業報也蓋導俗無方適物異會取諸
 同歸措夫疑說則大道通矣

邊矣西胡天之外區邊遠也音它狄反尙
 書曰邊矣西土之人土物琛麗
 人性淫虛不率華禮莫有典書若微神道何恤何拘

抄過

抄過

趙與普實退錄某坡知
 揚州夢行山林間虎未噬
 方驚怖有紫衣道士揮袖
 公曰此虎使去明且道士投
 謂曰夜出不至驚畏否公
 咄曰鼠子乃敢爾正欲杖
 汝若汝謂吾不知汝子夜行
 邪道士驚怖而退

言無神道以制胡人則凶猛
 之性何所憂懼何所拘忌也

梁章鉅曰凡驟遇非常之人必須有定識定力昔

蘇文忠公官某地時夜夢爲虎所扼傍一僧揮袖
 障之而去及旦即遇此僧揖曰夜來驚未定乎公
 遽令收之即遁去此見公之定識定力矣紀文達
 亦言姚安公在苑家口遇一僧合掌作禮曰相別
 七十二年矣相見不一齋乎適旅舍所賣皆素食
 因與其飯問其年解囊出一度牒乃前明成化二
 年所給問師傳此幾代矣遽納之囊中曰公疑我

梁章鉅

我不必再言食未畢而去公嘗曰士大夫好奇往
往爲此輩所誤卽真仙真佛吾寧交臂失之此亦

蘇文忠識力也

見陽微草堂筆記

冊

校

啟亂階見於史牒不知彌勒卽黃教與紅教異派
者也故特表之以杜流傳之妄僧徒或託言宗喀
巴爲文殊室利第五十四轉世西藏昭寺則以覺
釋迦末尼爲唐公主從勝皆愚鄙失實又禪悟逃
空則曰釋典微妙豈關紅黃不知尙白則殷王尙
赤則周王不關微妙也深識正慧惟釋迦文佛觀
世音菩薩宗喀巴喇
嘛三人者知之矣

三

校

魏源海國圖志梵典分大地為四大洲西洋圖說
 得其二焉而強割為五為四考萬歷中利馬竇所
 繪萬國地圖及 國朝南懷仁之坤輿圖說與天
 啟中文儒畧之職方外紀圖皆以地為圓體故分
 前後二圖其一南抵五印度海北至鄂羅斯冰海
 東盡日本朝鮮西兼葱嶺以西是為中國阿細亞
 洲一作亞細亞其西北之歐羅巴洲西南之利未
 亞洲則皆以地中海為界地中海以北為歐羅巴
 洲南抵地中海北負冰海廣萬有地中海以南為
 洲千二百五十里長二萬三千里

言無神道以制胡人則匈猛
 之性何所憂懼何所拘忌也

(校)

魏源海國圖志梵典分大地為四大洲西洋圖說
 得其一二焉而強割為五為四考萬歷中利馬竇所
 繪萬國地圖及 國朝南懷仁之坤輿圖說與天
 啟中艾儒畧之職方外紀圖皆以地為圓體故分
 前後二圖其一南抵五印度海北至鄂羅斯冰海
 東盡日本朝鮮西兼葱嶺以西是為中國阿細亞
 洲一作亞細亞其西北之歐羅巴洲西南之利未
 亞洲則皆以地中海為界地中海以北為歐羅巴
 洲南抵地中海北負冰海廣萬有地中海以南為
 洲二千二百五十里長二萬二千里

利未亞洲北起地中海南至大浪山海兩洲之西
廣十度東西長七十八度

皆盡西洋大海兩洲之東則皆與阿細亞洲相連
 利未亞之東則以西紅海與阿細亞洲為界歐羅
 巴洲之東則以阿破河及北高海與阿細亞洲為

界此第一圖也又有南墨利加洲北墨利加洲墨利
加今譯為二洲一峽相連中分南北其地東南相
米利堅

距百有八十度南洲南北四十二度北洲如之此
 第二圖也圖中諸國風俗物產疆域氣候瓜區豆
 剖指掌畫沙質諸閩粵互市之番舶重譯獻琛之

四

貢使事多徵實語非鑿空似可以盡富媼之形勢
窮四洲之方位然以說徵圖實止二洲無所謂四
五也說文水中可居曰州其誼蓋起於洪水以前
及降邱宅土以後因而不改後世偏旁加水爲洲
故鄒衍談天則裨海所環曰神州釋典論地則鹹
海所畫爲四洲是洲者四面皆水之名未可以陸
地所通區爲渚嶼之國今歐羅巴利未亞之山皆
發脈葱嶺邈迤而盡於西海是卽以葱嶺東西畫
爲二洲尙不可况於葱嶺迤西之地強指一河一

泊爲界而職方外紀之阿細亞與歐羅巴二圖一
則界以大乃河一則界以阿被河此二河者一在
裏海之西一在葱嶺之東相去二十餘度計五千
餘里循前圖大乃河則西侵歐羅巴之界依後圖
阿被河則東侵阿細亞之界究竟此二河中五千
餘里之地屬彼洲乎屬此洲乎譬之剖中原爲南
北圖南朝者則以黃河爲界圖北朝者則以江淮
爲界畢竟此江北河南數千里屬南乎屬北乎地
中海本非西海特以巨二域之中表將萬里濶二

三千里與西海相灌輸卽後漢書大秦與條支國所隔之西海是古書所言西海皆卽地中海今既知有大西海環其外而反指地中海南北爲二洲不蹈漢人故轍乎至墨利加四面環海地數萬里洵別爲一大洲惟不得以其中地狹而判之爲二與前圖同弊西人既尋得墨利加之後復念地爲圓體更西應亦可至東因更航海西尋數年復復得南極下墨瓦蠟之地因并南北墨利加爲一洲而以新得之地爲第五洲然未嘗測其南極高

距之度數江河入海之津口衣冠人物之形狀以告天下後世第言平原漭蕩螢火星流河尙未晤一人雖至其地與未至等故佛經所謂七大洲者西人止得其二而餘未之聞焉或曰此二洲者於釋典四洲當爲何洲曰阿細亞歐羅巴利未亞其爲南瞻部洲也南北墨利加則爲西牛貨洲也梵典言瞻部洲中有四主東人主卽震旦南象主卽印度北馬主卽蒙古哈薩克西寶主卽大小西洋是歐羅巴利未亞皆屬瞻部洲之明證至北具廬

洲則隔於北冰海故海舶無遠北海而歸之事東
神勝州則阻於南冰海故西舶雖能至南極左右
覩其地而不能遇其人南懷仁坤輿圖說顧闡釋
典四洲之誼謂南洲當在赤道溫帶以下不當以
瞻部爲南洲是蓋泥南極北極爲南北不知釋氏
以北極南極分上下而以前後左右爲四方與儒
家六合之謂相符其謂天頂爲北者乃中土人一
方斜睨之見其實天頂辰極豈徧于北又安得以
南極爲南乎釋典又名四洲曰南閻浮提西瞿耶
尼

尼州東弗婆提州北鬱單越州故起世經言南閻

浮提日正中時東弗婆提日則始沒

西瞿耶尼日則初出北鬱

單越正當夜半

易地亦然又閻浮提州所謂西方瞿耶尼

州以爲東方瞿尼州所謂西方鬱單越州以爲東
方鬱單越州所謂西方弗婆提州以爲東方弗婆
提州所謂西方閻浮提州以爲東方南北亦然樓
炭經云日繞須彌山東方日出南方夜半西方日
入北方日中如是右旋更爲晝夜釋典四大洲之
誼如是釋典四方之誼如是請以告西洋之分二

七

大洲為四為五者并以告西洋之泥南北二極為南北者 問釋典言佛降生必于大地之中故印度據南洋小西洋之間釋氏皆以印度為中國他方為邊地西印度為天主所生之如德亞及回教主所生之天方國皆居阿細亞州之西利未亞州之東南海地中海相夾之際故天主教以如德亞為中國而回教以天方國為中國其尊西印度與佛教尊中印度等是一洲適中之地自古異人所挺生然謂居一洲東西之中可也其地皆偏瀕南

海鳥得為全洲之中曰釋典不言居贍部之中而言居大地之中則是據南北二極言之二極之中為赤道近二極皆為冷帶稍離極為溫帶正當赤道下為熱帶南洋各國正當赤道下距南北極度數皆均等其地終年恒燠是則正當地球南北之中又正當贍部洲東西之中故彼自命為中國也使專據贍部洲言之則正中莫如葱嶺而環葱嶺左右古今但為游牧部落不聞產一英傑何耶故曰東海有聖人出焉西海有聖人出焉聖人之出

八

必在海濱扶輿旁薄之氣必至平原近海如雍冀
青兖而後剛殺始盡沖和始鍾惟是印度正當熱
帶地過炎燠人多裸袒而震旦則正當溫帶四序
和平故自古以震旦爲中國謂其天時之適中非
謂其地形之正中也西洋溫帶之地則爲地中海
所占而歐羅巴亦偏于冷帶利未亞亦偏于熱帶
故儒佛回教天主教皆生阿細二洲天文算法奇
器亦皆創自阿細亞而後流被於歐羅巴洲至利
未亞洲之復地周萬餘里萬山環之不與他國往

來故雖以麥西國亞毘心域國之聲名文物亦不
通中國而西洋市舶所至則僅其邊隅黑奴烏鬼
之區而已是則又以瀕海爲糟粕腹內爲精英地

不靈者人不傑信哉

小西洋未利亞洲瀕海之地多產黑人歐羅巴商舟過之

多買爲奴供役使明史謂之烏鬼今沿其稱呼西洋爲鬼子然白夷與黑夷各產各地相去數萬里豈惟非一國并非一洲今謂黑奴爲烏鬼可也并謂白夷爲白鬼則大不可

至南北墨

利加洲地廣數萬里與瞻部洲同其大明代始與
瞻部相通而自明以前其洲中數千載不過草木
蕃殖游牧射獵竟無創教治世之聖人及各國開

聖通商始知有天方天主等教釋典言佛出世必在浮提州其三州皆無佛乃竟並天主天方之教而無之則瞻部洲爲四洲之冠何疑焉歐羅巴利未亞皆奉天主天方之教而天主天方并產西印度佛教則產中印度而歐羅巴未聞產一教主則瞻部洲內又以阿細亞冠彼二洲何疑焉 墨利加洲當爲釋典之西牛貨州非臆度也坤輿圖說職方外紀言墨利加洲之字露國金加西臘國地出金銀天下稱首百物皆貴惟銀至賤其礦有四

坑役者常三萬人國王什取其一七日約得課三萬而貿易通志言北墨利加洲之墨西哥國有金銀廠明萬歷至今銀歲出口者千餘萬圓歲進口

貨價千二百萬圓南墨利加洲之伯路國

卽前之字露也

金銀山最著昔爲西班牙奪據歲出銀數百萬至千萬員不等近日國人恢復自治開鑛日旺又云當明嘉靖時西洋聞此金山銀嶺之名于是西班牙葡萄牙國以兵奪據其地所獲無算金條滿屋每騎兵各賜二萬圓步兵各賜萬餘圓武官各分

十

數萬圓其後每年所出之數金七百餘萬圓銀千有百餘萬員有某金廠自開之後所出其計萬萬五千萬圓皆載回西班牙國鑄造番餅廣布天下至今三百年開鑿無窮無盡後因西班牙國兵暴虐孛露人不服起義驅逐自立國王招徠商賈于是英吉利荷蘭之商歲運銀回國約五六百萬圓銀價漸賤貨價漸昂始停止運銀進口俟他日銀價起時再運之以平價然則天下貿易之商莫盛於歐羅巴金銀之產莫盛於墨利加一爲西方寶

主一爲西牛貨洲何疑焉今廣東貿易惟彌利堅國歲有進口銀四十萬圓而歐羅巴則專以鴉片耗中國之幣故彌利堅于我有益無損英夷于我有損而無益 問曰贍部洲之西方寶主南方象主北方馬主則誠然矣人則四方所同何獨以人主歸之東方曰請以西夷之書徵之澳門新聞錄曰中國人民居天下三分之一生齒之繁無國可比卽如俄羅斯地方百四十一萬四千四百方里戶口不過四千一百九十二萬五千名而中國只

湖廣一省廣不過十四萬四百七十方里已有戶口四千五百零二萬名江南地方九萬二千九百方里戶口卽有七千二百萬名由此觀之中國只一省卽抵佛蘭西英吉利歐羅巴特厘阿三國之人民又華事夷言曰中國繁庶甲乎四海但卽廣東一省之人可敵他方十餘國各國皆地廣人稀卽印度戶口最稠亦尙有曠土中國則不惟平地皆田卽山巔嶺側無不層層開墾寸壤不遺其散布于海外各國者尙不知凡幾其繁庶誠四海所

未有由是觀之則東方之宜人信矣觀墨利加洲南北數萬里明季歐羅巴各國爭往開之各國草萊立城市竟如自古無人之荒島近卽回部之西四城膏腴可墾者動數萬頃中國有之乎至北方馬主不特蒙古哈薩克布魯特爲然卽再北而俄羅斯其東北際海之地亦產名馬以游牧爲生騎射爲俗見異域錄及本志則馬主之說亦信矣卽其所言衡之則四主中亦自以人主爲上 問西洋舟船所至止有二洲則釋典此外尙有第三第

四洲信乎曰此外必有二洲不獨釋典言之也卽以西人所製地球觀之兩洲實止全居地之半自中國日本以東更無大國其海跨越赤道南北周八萬餘里且多在溫帶寒暑均平之區尙勝地球北極下冷帶有人之地豈冷帶有人而溫帶反無人乎赤道以南空地亦周七萬餘里其地在南極冷帶者半在溫帶者亦半溫帶以下亦必有國土居民西人遊迹偶至名之曰墨瓦蠟泥加而不能詳其度數形勢豈既有其地而竟無其人乎然則

東形勝洲北具廬州之地卽據地球所餘之空度亦鑿鑿當有二洲又何疑焉惟釋典所云南北東西四洲實不以二極分南北故自瞻部以外未可指其孰爲東州孰爲北州 利瑪竇曰釋氏謂中國在南瞻部洲並誣須彌山出入地數其謬可知也 案西法以北極爲北南極爲南此天之南北非地之南北也釋典則以北極爲地頂而東西南北四面環之與南極北極無涉蓋北極爲上南極爲下是上下非四方也 行海以指南鍼取向地球以渾儀辨方五印度地當震旦西南以中國偏東形勢格之爲丙午丁未方以地平

十三

二十四盤分之則在巽巳云唐以前西域貢道由葱嶺達玉關道雖迂迢而歷代取經求法之僧足與目謀圖畫指掌至宋天聖中防西夏鈔掠始改大食等國貢道由海達廣州自後習於航海之便於是自古西域西南近海之國概稱西南洋古時國名十七其六元有天下吞并西域分封駙馬子弟爲王盡易國名以蒙古語而古今沿革十七其九明一統志稱自後魏至隋唐康居安息二國地界相混豈知大秦與條支二國剋賓與印度各國

尤混之混甚至宋史謂天竺以東之注輦國距廣

州四十一萬里

天竺以東當與今滿刺加接壤在緬甸暹羅之南距廣州不及萬里

元史征川哇謂以五千卒渡海二十五萬里征從

古未至之國

史弼博

考其方域距閩粵皆里不及萬

至馬八爾國在天方之西境較注輦瓜哇稍遠亦計里不過萬餘而元史謂自泉州至其國約十萬里皆無稽之說地周九萬里自歐羅巴大西洋至中國幾于繞地半周爲里亦不過五六萬里烏有阿細亞洲之南洋近接西藏緬甸動稱數十萬里

者乎又甚者以元太祖至鐵門見角端之地為東
 印度不知尚未入北印度也以西藏吐番之地為
 古佛國中印度反以中印度之痕都斯坦為屬賓
 西域而不知印度河印度海至今尚存西南洋也
 圖志以葱嶺東西同部自昔皆同教無佛教不知自古
 皆佛教無回教也案法顯惠生西邁並出于闐獨
 元奘之行良為可惑既至龜茲
 即可循天山而西逕疏勒上葱嶺矣乃又遶道凌
 山北出烏孫編游昭武九姓諸國而後南至罽賓
 何為耶夫天山即水嶺也大清地即今伊犁西南
 之特穆圖泊也康曹何石史安米等九姓即古之
 康居大宛月氏今之哈薩克敖罕布哈爾也並非
 天竺經由之道何為紆數千里之程烏呼吾知之

矣裝師忘身求法初以佛教橫被海西安知嶺北
 遐陬不有隱淪賢哲周咨博訪跋涉奚辭既知突
 厥各疆曠無學乃始壹意南馳三載印度五
 翻然歸途不復北指徑回疏勒直趨于闐

印度之地惟南印度斗出大海形如箕舌似中國
 之登萊而補落迦山則猶登州之成山其錫蘭島
 之楞伽山則猶海中之瓊州臺灣也普陀之在西
 藏在浙江定海者皆後出傳會惟此近翔實以非
 西夷市舶所集故無述焉獨是錫蘭島偏近印度
 史稱地廣富庶亞于瓜哇南懷仁艾儒畧均圖述
 之何以亦闕然于英夷據印度之後即海錄及海

十子

國聞見錄亦不一齒及耶蓋南洋斗出瀕海之岸
 為大西洋各國市埠環峙有英吉利埠有荷蘭埠
 有佛蘭西埠有彌利堅埠有葡萄埠岸市盛故島
 夷微矣是書記常德西使皇弟錫里庫軍中返
 道途之所見王韋嘗載入玉堂雜記中此蓋別行
 之本也元史憲宗紀禮宗也祖散中厭綜澁子世
 翰二年王子秋遣錫喇征西域蘇丹諸國是歲錫
 喇薨三年癸丑夏六月命諸王錫里庫及烏蘭哈
 達帥師征西域法勒噶巴哈台等國八年戊午錫
 里庫討回法噶巴平之擒其王遣使來獻捷考
 世系表睿宗十一子睿宗未立而弟雷次六日錫
 里庫而諸王中別無錫喇郭侃傳侃王子從錫里
 庫西行與此記所云王子歲皇弟錫喇統諸軍奉
 詔西征凡六年拓境幾萬里者相合然則錫喇即

錫里庫因元史為明代所修故譯音譌舛一以為
 錫喇一以為錫里庫誤分二人而憲宗紀二年書
 錫喇薨三年里書錫里庫征西遂相承誤載也此
 記言常德西使在己未正月蓋錫里庫獻捷之明
 年所記雖但據見聞不能考證古蹟然亦時有異
 聞郭侃傳所載與此畧同惟譯語時偶有譌異耳
 我朝載定西域昆侖月融盡入版圖計常德所
 紀本不足道姑錄以備考耳案此記所載回國則
 直造天方佛國則直窮印度皆踰葱嶺而抵西海
 今新疆版圖僅有葱嶺以東安能在屯田列障之
 內讀高宗御製五天竺說則我朝不勤遠略
 無庸與元代爭疆武亦高宗御製文集五天竺
 不必以吳詞誣往代也

說昆侖居大地之中天下萬國環之昆侖以東我
 大清國最大昆侖以西南五天竺國最大昆侖以

西鄂羅斯國最大今同疆與痕都斯坦相接其國
即印度故境以中國之力欲通五天竺國何難但
出于招致非彼之慕德嚮化而來故不為耳 御
製詩集題大西天草書普吉祥玉印序曰痕都去
衛藏甚遠道里莫得而詳即古五印度也相傳彼
處有佛遺跡而今彼處佛教乃式微外道轉盛俗
稱為大西天若同人之痕都斯坦蓋印度之一耳
茲得玉印二方體近天竺因令侍衛巴忠持詢章
嘉胡土克圖據稱是大西天草書一曰薩爾瓦漢

語普也一曰莽噶拉穆漢語吉祥也首歲得此實

為兆庶錫福之徵

案西域圖志以西藏為天竺故以痕都斯坦為罽賓且謂罽賓

尚非北印度愈岐愈遠皆與御製五天竺說不合惟謂愛烏罕為月支則近是 而痕都斯坦則中印度不當混為一也痕都一作温斯 昆侖即葱嶺葱嶺

即河源之阿耨達池非弱水條支西海之地

淮南子十

洲記 非金城臨羌之石室

漢書地理志金城即臨羌縣西北有王母石室

及弱水昆侖山祠臨羌在今西寧府漢志特言望祭於此耳未嘗言昆侖山在其地

非青海

之大積石

元都實說 非吐番之悶摩黎山

後藏阿里之岡底斯山也

康熙中理藩院主事勝住皆刺麻繪西藏青海

十七

地圖歸地蓋前之一說由誤混昆侖於須彌次三說由誤執青海及吐番河爲河源最後一說由誤指阿耨達山在西藏今不暇言弱水條支之荒誕辨詳於與金城積石悶摩黎之淺近請先辨岡底斯山康熙時同疆未入版圖奉使刺麻惟知自侈蕃地山水遂以後藏阿里之高山當昆侖當阿耨達謂天下三條四列之山皆祖諸此故番語岡底斯譯言衆山水之根又以其山所出支河譯以馬口牛口象口孔雀口附會於阿耨達四水請先徵其不

合一則儒言昆侖釋言阿耨達皆居大地之中今阿里西南徼外之岡底斯山徧近南海絕非域中二則昆侖爲河所源今岡底斯山距青海重出之河源五千餘里距于闐葉爾羌喀什噶爾初出之河源亦三千餘里烏覲所謂出昆侖者乎三則阿耨達池出四大水分歸四大海今岡底斯山東出者惟一檳榔江會大金沙江入緬甸南海其西出之狼楚麻楚拉楚三水又皆合赴恒河入南海并無入東海西海北海之水况康泰扶南傳恒水出

昆侖山中有五大源則此後藏入恒河三支亦非
遠源嫡派四則言阿耨達池在山頂非山麓蓋衆
山之太祖必爲衆水之天潢今岡底斯山前面二
湖在麓非頂且不通四面支河安能爲萬水之源
然則昆侖果安在請十徵之儒籍一徵之釋典一
徵之西洋圖說一徵之本朝紀載而知衆山之祖
乃葱嶺而非岡底斯山所謂河源出阿耨達者乃
葱嶺脊上之大龍池回語謂之哈喇淖爾果爲四
大源所出之昆侖也山海經西山經曰昆侖之邱

實維帝之下都河水出焉而南流注於無達赤水
出焉而南流注於汜天之水洋水出焉而西南流
注於醜塗之水黑水出焉而西流注於大杆又曰
西海之南流沙之濱赤水之後黑水之前有大山
名曰昆侖之邱是蓋以洋水西流爲注雷翥海之
河赤水南流爲注南海之恒河黑水當爲注北海
之阿被河惟河水南流爲注中國之黃河吳省蘭
河源考
以赤水爲喀什噶爾之烏蘭河黑水爲葉爾羌之
喀喇河然經文別出河水于三水之外不應復出
河源而黑水西流證一也史記大宛傳張騫使西
亦乖東注之義

十九

域還爲天子言于闐之西水皆西流注西海其東則東流注鹽澤潛行地下其南則河源出焉多玉石鹽澤去長安可五千里其後漢使窮河源出于闐其山多玉石采來天子案古圖書名河所出曰昆侖考張騫僅至于闐未至葱嶺故有烏覩昆侖之語而嶺西水皆西流則已聞諸于闐之人是亦明以葱嶺爲昆侖蓋漢時于闐國大西有葱嶺曷嘗以于闐南山當昆侖耶南山脊外之水能入西海耶水經注引涼土異物志云葱嶺之水分流東

西西入大海東爲河源卽禹記所謂昆侖又言葱嶺在敦煌西八千里河源潛發其嶺分爲二水一出岐沙谷東流徑無雷依耐蒲犁疏勒皮山莎車各國爲河源一西徑循休難兜闕賓月氏各國至海息而注雷翥海葱嶺有國名伽舍羅逝此國狹小而總萬國之要道無不由其城南是昆侖確爲河源確居地中分注東西各海證二也爾雅河出昆侖虛色白所渠并千七百一川色黃今星宿海甫出卽燦若黃金安得色白安有渠并安得爲昆

廿

命之虛惟葱嶺河源銀濤練浪

西域水道記曰登阿賴山顛望大龍

池銀濤一片而其所以并千七百渠者即回部所受

于百支幹之水皆在未至蒲昌海星宿海以前是

爾雅色白指葱嶺之源色黃指星宿海之源知河

源為昆侖尤必知河所初出之源為真昆侖證三

也爾雅又言西北之美者有昆侖虛之珍珠琅玕

焉今葱嶺產美玉

見元劉郁西使記

環葱嶺之葉爾羌和

闐温都斯坦皆出美玉詎青海所有詎岡底斯山

所有證四也漢書西域傳河有兩源一出葱嶺一

出于闐于闐在南山下其河北源與葱嶺河合東

注蒲昌海一名鹽澤其水亭居冬夏不增減潛行

地下南出積石為中國河按蒲昌海即今同疆之

羅布淖爾受和闐河及葱嶺南北河是為二源葱

嶺南河出葉爾羌山中葱嶺北河則出喀什噶爾

西千餘里之大龍池是為黃河最遠之正源故史

記引禹本紀言河出昆侖其高二千五百里其上

有瑤池瑤池即大黑龍池也出葱嶺者其正源出

和闐者其旁源葱嶺河經喀什噶爾東會葉爾羌

廿一

河又東始會于闐河源流廣大視和闐河數倍和闐兩岸沙磧水多湮滲而葱嶺源數千里或分或合不滲於沙不隔於嶺自古數河源必於此則推昆侖者必於此雖于闐之旁源尚不敢並况他說乎證五也山海經華山七千七百六十七里曰不周之山東望沕澤河水之所潛也其源渾渾泡泡水經注稱鹽澤之水沕渾電轉為隱淪之脈卽渾泡之謂郭注沕澤卽鹽澤山形有缺不周匝處因名不周蓋葱嶺左幹為天山右幹為南山包回疆西南北三面惟缺東面形如

半規而虛其中河源蒲昌海出焉是則葱嶺卽昆侖卽不周之山故淮南子稱不周之山為天柱而

七千七百餘里正葱嶺距華山之里數證六也吳省

蘭河源考曰西域大勢四隆中窪而羅布淖爾適當其窪處凡葱嶺之東嘉峪關之西天山之陽南山之陰縱橫數千里一涓一滴於是滙歸惟以東南方一隅為泄水之尾間雖河沙間隔千里而水不流行于涉面必貫輸于河底雖無顯赴之蹟可決其潛發之源魏游雅曰易言

天與水違行今自葱嶺以西水皆西流則易之所及葱嶺以東耳說文土之高也從北從一一地也人居北南故從北中邦之居在昆侖東南是則

廿二

昆侖正為地之主名故說文以正屬昆侖若岡底斯山則在中國之西南而中國在其東北與說文中邦在昆侖正南不合矣證七也昆侖眾山之祖故十洲記云昆侖有四角大山為其支輔岡底斯山乃其南幹之大宗但可謂由葱嶺南轉而為岡底斯豈反由岡底而發葱嶺何者田之所趨水亦從之如果山脈自後藏趨北轉西至回部而為葱嶺則其水皆應從山脈北流何故後藏之瀾滄江之怒江之龍川江之大金沙江皆由雲南經緬甸安南以入南海無一北流之水平是知岡底斯山特葱嶺南幹之主峯而葱嶺北幹則循塞垣趨朝鮮濊貊與鄂羅斯分界南幹則包烏斯藏滇粵盡於緬甸暹羅與五印度分界故漢書西域三十六國惟在葱嶺東者皆屬都護而葱嶺以西無之我朝聲教所訖亦以葱嶺為斷惟元代初年盡吞葱嶺以西各國分建藩封卒皆尾大鞭長不受控制豈獨兵力不逮亦天地大氣之自為界限歟證九也元史郭寶玉傳太祖征西域入鐵山屯大

廿三

證九也元史郭寶玉傳太祖征西域入鐵山屯大

雪山前谷中雪深二丈乃禱山川神封昆侖為元極王大鹽池為惠濟王劉郁西使記逾別石蘭過忽牽河土人言黃河源出南大山地多產玉疑為昆侖是元人亦明知葱嶺河源為昆侖證十也更徵釋典言昆侖即阿耨達山者始于康泰扶南傳及佛圖調傳并見水經注阿耨達亦名無熱正言阿耨達池出四大水注四大海者見於長阿含經經云雪山頂上有阿耨達池縱廣五十由旬池東有恒伽河從牛口出從五百河入東南海池南有新頭河從師子口出從五百河入西南海池西有博叉河從馬口出從五百河入西北海池北有斯佗河從象口出從五百河入東

北及唐僧元奘西域記記曰瞻部洲之中地者阿海那婆答多池也即阿耨達

在香山之南大雪山之北周八百里西出縛芻河入西北海南出新度河入西南海東出燒伽河入東南海北出徙多河西多河潛流地下出積石山為中國河源阿那婆答即阿耨達之轉音新頭河新度河皆印而華嚴音義述之曰香山頂上有阿度河之轉音

耨達池四面各流出一河東面者斯陀河出金剛師子口南面者恒伽河出銀象口西面者信度河出金牛口北面縛芻河出琉璃馬口而阿耨達池所在則西域記徵之曰自商彌國境東北踰山七百餘里至波密羅川川東西千餘里南北百餘里

廿四

狹隘之處不踰十里據兩雪山間川中有大龍池
 東西三百餘里南北五十餘里據大蔥嶺內當瞻
 部洲中其地最高也其水澄清甘美池東派一大
 水東流東北至疏勒國西界與徙多河合而東
 勒國唐之法沙國今喀什噶爾也徙多河已見前
 西北一大流與縛芻河合而西至達摩諦悉國
 按徙多河即斯佗河縛芻河即博父河新頭河即信
 度河一名印度河即恒河正源也印度河復中道
 分流為東西兩恒河同注南海別詳印度恒河考
 縛芻河則西流正支其達摩諦國即今蔥嶺西
 之什克南部也惟入北海之阿被河雖出蔥嶺北
 幹而不出龍池故淮南子有黃水三周復所之說
 蓋重源潛發猶羅布淖爾之發為星宿海唐人不

知此義故強以縛芻河為北注而以印度河為西注辨見桓河考此乃直指蔥嶺

脊上之大龍池為阿耨達池即唐元裝取經歸途

溺象之地元裝還至于闐國上表云今已越蔥嶺波渡密羅川還達于闐為大象溺死經

卷衆多未亦即僧惠生至蔥嶺頂盤陀國見脊水

西流之地洛陽伽藍記自發蔥嶺步步漸高四日

嶺以西水皆西流入西海漢盤陀國正在山頂葱

熱海之地唐書葱嶺水南流者經中國入于海北

由勃達嶺北行羸于里得細葉川東自熱亦即元

海地寒不凍川長千里自此底西海矣亦即元

太祖軍至雪山禱神封祭之地見前元亦即乾隆

廿五

中官兵追霍集占未至拔達克山沿岸鏖戰之地

乾隆二十四年回酋霍集占將投拔達克山官軍追至哈喇淖爾遙望五六十里外有塵起越二日

追及於和什克珠庫嶺蓋自池東追至池西也拔達克山近古屬賓國道有三池盤石阪臨崢嶸不

測之深即經此龍池也北史波知國有三池大者龍王中者龍婦小者龍子行人投祭乃過亦即此也

亦道光初官兵追張格爾至阿賴山頂望脊水

南流之地阿賴布魯特遊牧地在葱嶺脊漢盤陀國也追張格爾事見聖武記登阿賴

望龍池見西域水道記知阿耨池則知河源知河源則知昆

侖據大地之中當萬國孔道且滙巨浸于萬仞峯

顛分注四大海宇內斷無其匹番語黑曰哈喇池

曰淖爾以水色青黑得名黑龍池之稱阿耨達與

稱哈喇淖爾華梵翻切皆同阿達即哈喇之轉非音耨即淖之殊字

若岡底斯之音義睽隔且西番語謂雪為岡梵語

雪為底斯合番梵皆謂雪山無謂山水根之誼審

音辯物其將安從葱嶺亦名雪山亦名香山而西域記則稱在香山之南雪山之

北者蓋葱嶺西北出之幹為香山故釋迦氏譜引問浮圖有葱嶺西據香山之說其東出二幹一為

回疆北路之天山一為和闐之南山而南北二山皆可稱雪故西域記有葱嶺據兩雪山間之語蓋

對文則別散文則通坤輿圖說有高八十里之理弗依山在葱嶺以西鄂羅斯境內其高次於葱嶺

當即香山矣鄒衍以後異端蠶起于是十洲記及河圖

廿六

玉版等書混昆侖於須彌以海水遶之為弱水環之昆侖既不若是之大後世若唐楊筠松以須彌為四大幹山之祖則又混須彌於昆侖須彌又不若是之小西域間見錄疑温都斯坦迤西大澤中高山即繞日之峯尤為陋繆豈知釋典起世經言須彌為四洲地之中心昆侖為閻浮提之中心是梵書言須彌者地頂也地心上值天頂正北極下半年為晝夜之地故言日月繞須彌其外大鹹海環之於海中有四大洲而昆侖特南瞻部洲中之高山乃須彌南面之一隅烏得以

當全地之須彌哉是釋典以昆侖為南瞻部洲之中央即阿耨達山與河圖括地象所稱地中央曰昆侖其東南萬五千里曰神州之說合與穆天子傳昆侖去宗周澗瀍萬有一千里之數亦合山海經地東西二萬八千里南北二萬六千里自積石千七百四十里自積石出隴西郡至洛準地志可五千餘里又穆天子傳天子自昆侖山入于宗周乃里西土之數自宗周瀍水以西至于河宗之邦陽紆之山三千有四百里自陽紆西至河首四千

艾

里合七千四百里又昆侖瑤池去宗周萬一千一百里此并以葱嶺爲昆侖故里數信而有徵非同他書五萬里七萬里十萬里四十六萬里之吳說酈道元顧不信而信東方朔淮南子等書幻等蜃市誕擬蓬壺豈惟儒書所不合抑釋典所不屑道西洋疇人所不屑譚何者南懷仁坤輿謂字內名凡九自西洋高十三里之山起愈東則愈高有高二三十里者有高四十餘里者有高八十餘里者其末最高之山名曰高架所山在阿細亞洲境內

高百有三十里

詳見本志總論第四十六卷

夫中華在葱嶺之

東則山脈自西來愈西愈高高至葱嶺而止西洋在葱嶺西則中脈自東往愈東愈高亦高自葱嶺而始山居東西正中雖譯名不同而字內高山獨推亞細亞洲爲歐羅巴洲各山所不及謂非葱嶺而何以萬山之祖當萬國之中謂非昆侖而何更徵以本朝掌故乾隆四十七年遣使窮河源歸詔曰史記漢書皆言于闐之西水皆西流注海其東流注鹽澤潛行地下南出爲河源今同部諸水

山爲河源

論贊 三

皆瀦蒲昌海伏地千里至青海而始出正猶濟水
之三伏三見則昆侖當在同都之西距此萬里康
熙中錫拉尋河源歸奏言貴德堡西有三支河名
昆都倫蒙古謂橫爲昆都倫言有三嶺水入於河
也然則同部所謂昆侖山者亦當爲橫嶺而不當
如元都實牽青海之昆侖都河爲同部之昆侖山
至矣哉 聖智周六合 聖訓炳萬古如赫曦之
豁蒙瞽自後皇清通志及松筠西陲總統事畧皆
本斯誼曰黃河近源在星宿海西三百餘里遠源

則爲同部極西之葱嶺在喀什噶爾葉爾羌西千
餘里蒙古謂天山冰嶺皆名曰昆都侖急呼則曰
昆侖云云雖語焉不詳要之昆侖當爲葱嶺非青
海非吐番後藏固已折衷 大聖誕告中外使康
熙世同部早同車書則 聖祖是論固當先 高
宗而發之昔之有天下者疆域徧狹多不能有昆
侖能有昆侖能知昆侖爲河源者皆自我 大清
高宗純皇帝始而拘墟瞽儒猶或泥於康熙朝論
定未有知葱嶺河源之後說者豈以前說於阿耨

廿九

達池傳會較詳而後說未之及歟謹鈎稽本末具
圖及說繹闡 兩聖人先後同揆之義軒幹並揭
天地又以謂 國家撫有西域主名山川列正祭
隨祭者十有六不當反遺昆侖太祖非所以母元
氣綱萬靈符古者祭海先河之誼 問曰昆侖之
爲葱嶺龍池之爲阿耨達信已顧釋典言四水分
注四海而今考元裝西域記與徐氏西域水道記
圖則龍池所出實止三水東爲中國河源南爲恒
河印度河同源西爲縛芻河源唐人欲合佛經四

卅
水故以印度河當西注以縛芻河當北注今子謂
印度河卽西恒河與東恒河同源分注南海無西
注之蹟然則縛芻一河將分注西北兩海耶又佛
經言阿耨達四水皆云遶池一匝從五百河入于
大海後人襲其說謂河源遶昆侖西北及南而後
東流者官書駁之謂昆侖大山非島嶼比河安能
遶其西北南三面而復折東以行耶曰佛經言山
出四水并無水名唐代諸僧始析恒河以當東西
二派而以縛芻河當北注姑無論恒河誣謬與佛

經不合試問縛芻河之水果何歸宿耶夫縛芻河
 為龍池西出之正流即水經注所謂有媯水潛發
 葱嶺西逕循休難兜闕賓國北月氏安息國南與
 蜺羅歧禘水同注雷翥海者也即元史之阿母河
 亦作暗布河亦作阿梅河元設行中書省以控制
 西域者也亦即南懷仁坤輿圖入裏海之阿書河
 其上游曰亞被亞河曰亞母湖者也阿母阿書即縛芻之音轉
 其水右並葉河葉河出葱嶺北原西北流逕石國
 康國米國圖何圖史國等地見大唐西域記一作素葉川即今

納林河逕敖罕西哈薩克入裏海者左受烏澗河
 逕吐賀羅月支國見後漢書新唐書一作馬澗河即水經注之蜺

羅歧禘水出阿耨達山之北西逕紉尸羅國四大

塔犍陀衛國至安息注雷翥海者雷翥海即裏海

一名鹹海一名北高海一名加士比唵一名騰吉思海一名格騰里海一名達里岡阿泊凡葱

嶺東之水皆瀦蒲昌海即羅布淖爾葱嶺以西之水皆

瀦裏海蒲昌海之水伏流潛發于星宿海為黃河

以入東溟則裏海之浩蕩淵渟斷無永瀦而不發

之理故嘗謂裏海以東之大乃河長二千四百里

世

分三道入墨阿的湖以達地中海者當為裏海潛源重出之河是縛芻河為西注正幹而唐僧之強印度河為西注又強縛芻河為北注者無理之至矣然則阿耨達池無北注之水平曰葱嶺北幹曰烏拉嶺橫抵北海故葱嶺以西之水為烏拉嶺所包皆不北注而西南入裏海其北注者惟葱嶺東北之阿被河潛源重發一發于烏拉嶺一發于宰桑泊皆滙歸厄爾齊斯河即阿被阿也是說也惟淮南子得之曰昆侖有疏圃之池河水出其東北

洋赤水出其東南陬洋水出其西北陬黃水三周復其源凡此四水帝之神靈以潤萬物是明言昆侖流出者惟三水河水即黃河赤水即恒河洋水即縛芻河其一則伏流潛發猶水經述蒲昌海洞湍電轉為隱淪之脉者其為阿被河之潛脉無疑職方外紀及南懷仁圖曰阿被河源一出大布里山即葱嶺北幹烏拉嶺出一基臺湖即宰桑泊北注冰海首尾七千二百里河凍開時有大冰如山岳衝擊兩岸旁溢千二百里土人遷居入山避之蓋葱嶺北幹為

卅二

烏拉嶺其嶺西北有帕付林高山峙出諸山之上
 冬夏積雪人不能至即大布里山也不低平處高
 不過三百丈而長則自北海至裏海為阿細亞歐
 羅巴二洲之界亦為俄羅斯東北藩屬之界距阿
 爾臺山起處不遠四洲志上巔嶺上隨處流泉雖最
 高處亦甚泥濘其嶺東出烏拉河托及爾河俱東
 北歸厄爾齊斯河入北海異域錄案烏拉嶺隨地流
 泉沮洳泥濘即潛源重發同于星宿海之證故懷
 仁圖說謂大布里山在俄羅斯境內案四洲志稱
為烏拉嶺異

域銀稱為佛落克嶺蓋嶺東出烏拉河嶺西嶺西
出佛落克河故各據所出之河以名之也

之水下游會佛爾格河一作窩爾加其水不北流而南

注入騰吉斯海土爾扈特游牧其地稱之曰厄濟

爾河異域錄又賽馬爾罕之納林河亦自東南來會

之是則葱嶺以西更無北注之水其北注者惟烏

拉嶺東之厄爾齊斯河為北流第一大幹故懷仁

圖說列阿被河于阿細亞洲不列于歐羅巴洲也

蓋縛芻河出池以後始滙于雷翥海而後再出潛

源阿被河則不出池即伏流地下發于烏拉嶺為

卅三

潛源觀此而淮南三周復所之義明而佛經阿耨
達四水皆遶池一匝之誼亦明矣山海經言昆侖
之邱出河水赤水洋水黑水與淮南同惟易黃水
為黑水考蒲昌海水青黑重發于星宿川則黃以
此例阿被河蓋淮南預指其重源故黃之山海經
惟據龍池之初源故黑之也唐代諸僧求北注之
水于葱嶺以西而不得于是強印度河為西流強
縛芻河為北注皆誣地理逆水性謂元裝西域記
及華嚴音義
後人縱或知阿被河即厄爾齊斯河又以其不顯

出阿耨達池而疑之又或不知厄爾齊斯河有兩
源但知其出宰桑泊即基臺湖而不知其出烏拉
嶺者即大布里山即葱嶺北幹又或泥南懷仁圖
繪賽馬爾罕于基臺湖之上則益疑之此西圖之
大誤也賽

馬爾罕在葱嶺西其下
遊豈有注北海之水乎夫古者九能之士山川能

說其非徒說形勢分合之謂其必察地理脈水性
并其卓詭之狀隱潛之絡而瞭知之昆侖阿耨達
之三周遶匝使不一證諸淮南子再證諸水經注
之蒲昌海三證諸烏拉嶺之隨處流泉沮洳泥濘

廿四

其不供下士大笑者幾希濟水絕河而南三伏三見使不出中國而傳自外夷其不斥為誕罔者幾

希或曰黃水之周復其源此語非淮南所能創何據依曰穆天子傳天子昇于昆侖觀黃帝之

宮釋氏西域記阿耨大山其上有天淵水宮殿樓觀甚大甚是昆侖有黃帝遺蹟自非乘龍御天之

大聖孰能智周六合若此者乎又西域記葱嶺南接雪山北至熱池干泉干泉者地方二百餘里南

面雪山三乘平陸即今伊犁河所西匯之巴勒喀什泊也葱嶺得名以西域記山嶺葱翠之說為正

顏師古謂產野葱陋不足辯至南懷仁等皆謂裏海之水浩蕩甚鹹不通外海獨海國聞見錄言裏

海之水流出自裏海乎置之不論可矣問自晉魏

唐以來歷代高僧使西域皆自葱嶺 印度河南

行以達中西二印度從無有沿恒河者豈恒河不

源葱嶺而偏處東隅乎佛經說法動喻恒河波斯

匿王及諸大弟子往返之跡皆在恒河從無一語

及印度河豈佛終身僻處東南二印度而不至中

西二印度乎葱嶺大龍池即阿耨達池出四大水

分注四海而印度河恒河皆注南海何以唐人皆

指印度所注為西海乎曰恒河同源而異委其出

于葱嶺大龍池者即恒河之正源至印度而分二

一由西印度入海是為西恒河一由東印度入海

廿五

是爲東恒河佛生中印度之舍衛國一生轉法輪
多在西恒河左右其東恒河則偶至不常至後世
方俗專稱東印度之河爲恒河而譌稱西恒河爲
印度河于是并以上游出葱嶺之源統稱印度河
凡言信度河新頭河者皆印度之轉音也始于晉法顯而魏惠生唐元
奘並因之二千載來潰潰濶濶無從問其脈絡惟
水經注引釋氏西域記曰阿耨達太山其上有大
淵池宮殿樓觀甚大焉山卽昆侖山也其山出六
大水山西有水名新頭河西南有二水名遙奴一

名薩罕一名恒伽同出一山俱入恒水恒水一出
大秦名犁鞞一東流入東海蓋二水所注兩海所
納自爲東西也又唐泰扶南傳曰恒水之源乃出
極西北昆侖山中有五大源枝扈黎大江出山西
北流東南注大海枝扈黎卽恒水也渡江西行極
大秦也此乃並指印度河爲西恒河印度河源爲
恒源法顯傳上游雖沿俗稱印度河而下游言恒
水又東到多磨犁鞞卽是海口犁鞞乃條支瀕西
海之地是亦以印度河卽恒水若專指東印度之

卅六

水爲恒水則豈能橫貫印度河而西北至犁靛又
貫印度河而東南至榜葛刺耶源同委異星漢明
白安得忽奪其一又并誣其源致佛經無一可通
乎至阿耨達注西海之水以印度河當之尤元奘
記之謬夫東恒西恒同注南海非地中海也烏得
以印度河之海口爲西海又安得分一恒河之水
以當二河哉別詳昆
倫篇惟是水經雖言恒河下游之
分注而不詳上游何地分支考西域諸記西洋諸
圖皆無分流岐出之證 皇清通考四裔門曰巴

達克山國扼葱嶺之西有河北流經博羅爾巴達
克山兩部之間至伊什得克特分流一流經北入
圖斯泊一流逕西又北入伊西洱泊此蓋指縛芻
河與印度河初分之處圖斯泊卽縛芻河所經伊
西洱泊卽印度河所經也徐氏西域水道記第一
圖于龍池西出二派行
六七百里卽各分爲二
亦以意爲之非有所據或謂恒河東西分流如梁
州之東漢水西漢水在山谷中孔穴相通故西域
取經諸僧皆未道及此亦臆度之詞而吾則斷兩
水之分必在中印度以下不在中印度以上何者

世

北印度之北界以大雪山綿亘二千里直抵裏海
包社之地印度河循大雪山而西直至包社始轉
而南故知上游斷無分流別駛之地及至中西兩
印度之間平原曠野受水益多始分一支東行迨
受後藏岡噶江之水而其流始大又至東印度之
東受大金沙江水而浩瀚始極故歷代西使之記
皆踰印度河卽爲北印度無更渡一水者至其受
岡噶江以後則一統志述之曰岡噶江源出岡底
斯山山南馬品木達賴池及郎噶池自池西流出

名狼楚河西流二百餘里折而北繞古格札什魯
木布則城西仍轉南又西流千有五百餘里至阿
里西鄙桑納蘇木多之地拉楚河自僧格喀巴布
山發源西流千有六百餘里轉南流三百五十餘
里來會之又轉南流二百五十餘里經畢底城之
西二百餘里折東流千七百餘里至那克拉蘇
多北鄙又有麻楚河來會之三水合一始名岡噶
江轉東南經馬木巴柞木卽部落至度訥特克國
入南海案諸特阿國卽中印度也其下游至東

印度又受大金沙江則英夷地圖繪之岡噶江與
大金沙江合流始名安日河亦名安市治河入南
海故坤輿職方諸圖皆無大金沙江蓋統于安日
河之海口也然則東印度當在恒河以西乎抑在
恒河以東乎曰恒河兩岸地皆有之上游則岡噶
江以東如古里鎖里坎巴諸國下游則安日河以
東如大小葛蘭柯枝諸國以西如榜葛刺國皆東
印度境也大金沙江自緬甸逆流而西則其南岸
之地如柯枝等國亦皆橫行自東而西轉入印度

境內故元奘記往東印度皆涉大河而往柯枝葛
蘭今名烏土國榜葛刺一名孟加臘其近後藏之
功德阿難國等當卽廓爾喀國不瀕大海其古里
鎖里殆卽海錄之徹第岡等地歟明史言水程幾
晝夜者海艘沿恒河下游非必皆大洋之道里

度新頭河往

論贊 三

地述之曰厓岸險絕石壁千仞下有水名新頭河
鑿石通路躡懸絙過沙河兩岸相去八十步渡河
到烏菴國卽北天竺是蓋度新頭河往印度必由

廿九

印度又受大金沙江則英夷地圖繪之岡噶江與
大金沙江合流始名安日河亦名安市治河入南
海故坤輿職方諸圖皆無大金沙江蓋統于安日
河之海口也然則東印度當在恒河以西乎抑在
恒河以東乎曰恒河兩岸地皆有之上游則岡噶
江以東如古里鎖里坎巴諸國下游則安日河以
東如大小葛蘭柯枝諸國以西如榜葛刺國皆東
印度境也大金沙江自緬甸逆流而西則其南岸
之地如柯枝等國亦皆橫行自東而西轉入印度

境內故元奘記往東印度皆涉大河而往柯枝葛
蘭今名烏土國榜葛刺一名孟加臘其近後藏之
功德阿難國等當卽廓爾喀國不瀕大海其古里
鎖里殆卽海錄之徹第岡等地歟明史言水程幾
晝夜者海艘沿恒河下游非必皆大洋之道里
問曰漢書往罽賓有懸度之險晉法顯亦曾經其
地述之曰厓岸險絕石壁千仞下有水名新頭河
鑿石通路躡懸緬過沙河兩岸相去八十步渡河
到烏菴國卽北天竺是蓋度新頭河往印度必由

行世圖說
卷之九

廿九

山言金
之險而元邱長春劉郁之西行及乾隆中官兵之
追霍集占皆往反此河曾無躡絙緣竿之事豈陵
谷遷變歟曰水經注言縣度在烏秣之西烏秣今
巴達克山也官軍追賊僅至巴達克山東北交界
安能卽至其西境之懸度乎漢書屬賓傳歷三盤
石坂臨崢嶸不測之深步騎繩索相引二千餘里
乃到懸度是其地距龍池甚遠故法顯傳踰葱嶺
後又西南行十五日始至懸度焉我軍追賊至葱
嶺之阿爾楚山又三日卽追戰于伊西庫洱河其

四十
兩岸卽和什珠克嶺近在大龍池之西巴達克山
之東北距法顯所渡尙隔十餘程故 皇清四裔
考曰葱嶺西有河北流經巴達克山博羅爾兩部
之間北入伊西洱泊其北鄙之城曰瓦漢將軍富
德移檄索其獻俘而進軍瓦漢以待之蓋駐軍其
國北境未抵其國都也至邱長春初從鐵門踰阿
母河至印度北雪山行在不言過印度河及歸從
他道過石峽有石梁橫其上下流甚急賦詩有水
北鐵門猶自可水南石峽更堪驚之句則明指阿

母河以南之印度河矣其後次再赴行在舟濟阿
母河後夜過班里城又東行數十里復過一水馬
僅能度則又涉印度河矣長春兩踰印度河而一
由石梁一則馬涉是皆印度河上源其水尚淺又
何曾至烏秣以西下游之懸度乎不但此也卽唐
元奘使西域記亦未經懸度蓋元奘由鐵門過縛
芻河南度大雪山卽邱長春所經之路法顯則順
河北岸西行故未經鐵門亦未踰大雪山其程途
有上下游之別非往北印度者必經懸度之險也

以地望推之鐵門在縛芻河北納林河南迫近賽
馬爾罕當在今敖罕南境懸度則在今巴達克山
西境愛烏罕東境恒河蓋貫一部而南經克什彌
爾之西以入痕都斯坦其通舟當在懸度下游以
後漢唐時往罽賓者憚大雪山之阻故繞其下游
唐以後多踰大雪山至北印度故不繞懸度也故
知印度河之分流斷在懸度以後不在懸度以上

紀昀閱微草堂筆記海中三島十洲崑崙五城十
二樓詞賦家沿用久矣朝鮮琉球日本諸國皆能
讀華書日本余見其五京地志及山川全圖疆界
袤延數千里無所謂仙山靈境也朝鮮琉球之貢

使則余嘗數數與談以是詢之皆曰東洋自日本以外大小國土凡數十大小島嶼不知幾千百中朝人所必不能至者每帆檣萬里商船往來均不聞有是說惟琉球之落際似乎三千弱水然落際之舟偶值潮平之歲或時得遠亦不聞有白銀宮闕可望而不可即也然則三島十洲豈非純構虛詞乎爾雅史記皆稱河出崑崙攷河源有二一出和闐一出葱嶺或曰葱嶺其正源和闐之水入之或曰和闐其正源葱嶺之水入之雙流既合亦莫辨其誰主誰賓然葱嶺和闐皆在今版圖內開屯列戍四十餘年即深崖窮谷亦通耕牧不論兩山之水孰為正源兩山之中必有一崑崙確矣而所謂瑤池懸圃珠樹芝田概乎未見概乎未聞然則五城十二樓不又荒唐矣乎不但此也靈鷲山在今拔達克山諸佛菩薩骨塔具存題記梵書一與經典相合尚有石室六百餘間即所謂大雷音寺同部游牧者居之我兵追捕波羅泥都霍集占嘗至其地不過如斯種種莊嚴似亦藻繪之詞矣

相傳同部祖國以銅為城近西之同部云銅城在其東萬里近東之同部云銅城在其西萬里彼此遙拜迄無人曾到其地因是以推恐南懷仁坤輿圖說所記五大洲珍奇靈怪均以此類焉耳案蓬萊方丈始自秦漢方士史書之以見其妄未有信之為實者何勞考辨惟梁書言毘騫國王在南海中去扶南八千餘里其國王自古至今長生不死能作天竺書三千餘言與扶南王相報說其宿命所由與佛經相似此則明載正史確鑿可徵乃自明以來西洋商舶無不通遠窮南極曾有此島嶼乎止當辨毘騫不當辨十洲三島也昆侖之為葱嶺無疑其地產玉又上有龍池故玉山瑤池之說尚非無因至靈鷲山在中印度度為今之痕都斯坦其北之克什彌爾始為北印度度又北始為拔達克山則並非北印度境距中印度境則數千里乃謂諸佛菩薩骨塔具存殆同兒戲至大雷音寺出西游演義並非釋典何得同疆真有其寺耶同部祖國為天方阿丹默德那等地在西印度西紅海之

間明史載其職貢 本朝通其商舶粵中所謂港
 脚白頭同子即其部類也其地有教祖穆罕默德
 之墓墓前有元石凡各國同人皆歲往禮拜焉在
 西藏之西八千餘里視喇嘛月并非渺茫之域豈
 有彼地同人舍其聖祖陵墓而向東禮拜之理耶
 筆記雖小說家言然紀文達負張華博物之名恐
 惑觀聽故錄而辯之 新聞紙佛教與回同教克
 力斯頓教亦有分別中國稱為佛日本稱為釋迦
 蒙古稱為刺麻印度稱為密他緬甸稱為偶麻西
 藏稱為麻哈母尼暹羅稱為波納分教其實一也
 佛生于加治麻國在克力斯頓教一千年之前如
 謂人死復生為禽獸鱗介五相輪回皆各教所無
 而克力斯頓教中又分出二教曰額力教曰加特
 力教皆以淨水教化視仙佛鬼魔及地獄皆一例
 觀之我思佛教之道理未必能 塞外山川國地
 勝于加特力教額力教之道理 里至吾何徵請姑徵西域其國則皆城郭居國非

同漠南漠北行國之游牧遷徙其名則歷漢晉六
 朝唐宋而城郭三十六國不甚改非若匈奴柔然
 突厥回紇契丹之分合無定其書則創自班氏父
 子世護西域身履目擊非若西南吐番西北瀚海
 之輶軒不至惜哉惟詳葱嶺以東耳其葱嶺以西
 則漢書不如北魏書其葱嶺西南之五印度則漢
 書又莫如唐書蓋前漢使皆至烏弋還無至條支
 者故有條支西行近日所入及弱水西王母之荒
 誕至北魏書則分葱嶺以東流沙以西為一域葱

93

嶺以西海曲以東爲一域者舌以南月氏以北爲一域兩海之間水澤以南爲一域州居部畫綱紀秩然其言條支西渡海曲一萬里爲大秦國而指其海旁出與中國渤海東西相直則明知爲地中海非西洋大海且言大秦國在兩海之間地六千里則並能知大秦以北之洲中海又言條支國海水曲環其東南北三面惟西北一面近陸則并西紅海東紅海皆燦若眉列前利馬竇千餘年而預合符節故葱嶺西北至魏書而大明唐書西域傳

惟以拂林爲大秦是爲巨繆其餘則據元裝之記與王元策攻取印度之章疏故于南天竺瀕海北天竺圍負雪山東天竺接扶南林邑西天竺接罽賓波斯而中天竺據四天竺之會共周三萬餘里無不聚米畫沙紀綱條貫故葱嶺西南又至唐書而大明自生民以來禹迹所及中國九州之地則偏東海其西南北三海則雖列代好勤遠略之君發譯使資金幣尙莫睇其涯際騁八駿步章亥尙未徹其里域其能北至于北海西至于西海南

至于南海者亘古一渥奇溫氏而已其始有西北
海之欽察國阿羅思國阿速國東北海之鐵勒黠
戛斯國骨利幹國高麗國者太祖其并有葱嶺以
西南至海之印度天方者憲宗其并有南海之占
城瓜哇遠通利未亞洲之馬八爾俱藍者世祖此
皆漢唐聲教所不訖而元皆錐撻有之藩封樹之
駕遠御長甫田驕桀易世而後鞭長尾大于是印
度諸國恃阻雪山不受戎索惟建阿母河行省治
葱嶺以西嶺北行省治和林杭海山以北阿力麻

里元帥府治天山以北別失八里元帥府治天山
以南遼陽行省治遼河以東火州曲先元帥府治
土魯番至陽關以東然世祖末年阿母河行省亦
廢則葱嶺以西擅干賽馬爾罕葱嶺以北阿羅思
欽察擅于月祖伯大王其勢已同羈縻且海都篤
娃叛于嶺北幹端叛于和闐則二地亦不屬朝廷
惟治天山南北東三帥府及和林遼陽二路與內
地各行省之地而已然則元中葉後疆域始僅埒
漢唐而開國疆域則視漢唐極盛時且再倍過之

四
五

正記錄
高宗純皇帝御製文集曰葱嶺爲昆侖居天下之中昆侖以東莫大于中國以北莫大于俄羅斯以西南莫大五天竺國元初則兼此三大國疆域而有之謂不振古霸烈哉世祖至元二十五年從禮部請令會同館蕃夷使至籍其道里山川風俗物產爲職貢圖明初又盡得燕京圖籍使修元史諸臣稍加蒐討何難部畫州居成蓋地之圖補禹貢之缺擴萬古之曾修王會之盛乃舉一代數萬里之版章擯諸荒外等諸烏有其地里志未僅附

錄西北地名二頁畢竟孰西孰北尙未能辨也列傳則動言西北諸王兵起畢竟西方之王歟北方之王歟皆不能明也自十一行省而外一則曰西北之地難以里計再則曰邊外羈縻之州莫知其際更何詰其部落之本末山川之界畫

顧炎武日知錄寺字自古至今凡三變三代以上凡言寺者皆奄豎之名周禮寺人注寺之言侍也詩云寺人孟子易之閭寺詩之婦寺左傳寺人貂寺人披寺人孟張寺人惠牆伊戾寺人柳寺人羅

校

四六

皆此也崔杼使圍人駕寺人御而出自秦以宦者任外廷之職

而官舍通謂之寺說文寺廷也有法度者也此亦是漢時解耳漢人以

太常光祿勳衛尉太僕廷尉大鴻臚宗正大司農

少府為九寺又御史府亦謂之御史大夫寺漢書元帝紀注師古曰凡府庭所在皆謂

之寺風俗通曰寺司也唐書楊收傳漢制總羣官而聽曰省分務而專治曰寺諸官府所止皆曰寺

後漢書安帝紀皇太后幸雒陽寺及若盧獄錄因徒注寺官舍也張湛傳告歸平陵望寺門而步注

寺門即平陵縣門也樂恢傳父為縣吏得罪於令恢年十一常俯伏寺門吳志凌統傳亦云過本縣

步入又變而浮屠之居亦謂之寺矣石林燕語漢

府皆名曰寺鴻臚其一也本以待四裔賓客明帝時攝摩騰竺法蘭自西域以白馬負經至舍於鴻

臚寺既死尸不壞因雷寺中後遂以為浮屠之居即維中白馬寺也僧居稱寺本此

宋程大昌攷古編五天竺皆釋氏地西天竺與波

斯接五竺皆在長安西南唐史記其地去都城九

千六百里以其東行所經諸國及中州地里併數

之尚不及萬里唐史信世之所傳謂為幅圓三萬

里則已夸矣僧元奘西域記乃言五印度境周九

萬里一何荒誕之甚耶又案波斯在五竺西則

波斯通中國其泛海而東蓋環越五竺之境矣且

使不盡越九萬里者而以其半為數則波斯之人



豈有能至中國者哉又言樊以正觀二年往至十九年回其間以年計自當得五千餘日而已三分其日之一以爲屈止詢訪之日則其在行者不過十年不知十年之力何以能周徧九萬里而經涉他國地里又未在數此可見其妄甚明也元奘釋子也旣欲張大釋教則所夸國土畧如釋語之誕無疑也丙申十一月晦讀元奘記書之以見外國地里難考者類如此

洪亮吉曰鄒衍以九州外有大九州其說已不經

矣釋氏更推爲荒誕無稽之說云大千者謂一二千界爲小千世界千小千世界爲中千世界千大千世界爲大千世界是更拾衍之緒餘而不知其理之必不可通矣吾固謂西方之數皆吾儒之末流好爲邪說者倡之釋氏不足責衍之罪則亦聖人所必誅也至云釋迦佛正法住世五百年象法一千年末法一萬年則又竊大戴禮孔子對宰我之問黃帝而云生而人得其利百年死而人畏其神百年亡而人用其教百年更十倍百倍之以與

大千末

吾儒爭勝又不足一晒矣

姚瑩康輶紀行起世經言南閻浮提日正中時東
佛婆提日則始沒西瞿耶尼日則初出北鬱單越
正當夜半易地皆然又閻浮提洲所謂西方瞿耶
尼洲以爲東方瞿耶尼洲所謂西方鬱單越洲以
爲東方鬱單越洲所謂西方弗婆提洲以爲東方

弗婆提洲所謂西方閻浮提洲以爲東方南北亦
然樓炭經云日繞須彌山東方日出南方夜半西
方日入北方日中如是右旋更爲晝夜余按西人
地體渾圖之說自幼聞之以爲信然獨疑其說地
下人與地上人足相抵果爾則是地下人足皆履
地不知海水在於何處謂地下之人首上戴天可
也謂其人首上戴海可乎及觀釋氏所言則天上
地下仍有定分海自在地之下日月環繞地之東
西非環繞地之上下其日月經行之道則更在海

譯

外人以所立之地斜睨之則若日月更行海底耳
其實非也此說於理乃足西人之言固未審矣周
髀算經亦云日運行處極北北方日中南方夜半
日在極東東方日中西方夜半日在極南南方日
中北方夜半日在極西西方日中東方夜半凡此
四方者天地四極四和然則中國之有此說久矣
樓炭經安知非譯經之人依傍算經而爲之乎理
足之言可謂善於依傍矣 魏默深曰隋書經籍
志佛說滅度以後正法五百年象法一千年末法

三千年考耶蘇生漢哀帝元壽間上距周莊王十
年恒星不見佛生闍八十歲涅槃當周匡王六年
凡六百有一歲而天主耶蘇生力距佛教此正法
五百年之應漢元壽下距開皇十四年回教穆哈
默德辭世之歲共五百九十四年內除其生世數
十載正五百餘年驅僧毀寺變西北諸印度爲回
教此像法千年之應是則自周至漢至隋佛教東
流而天主與天方迭據印度代興持世入主出奴
各乘氣數皆懸記於千載之前而符合乎千載以

下天時人事有開必先不超五德迭王文質遞尚
焉而近日黟縣俞正燮作釋迦文佛生日論獨謂
佛生於漢成帝元延元年四月丁丑沸星四面下
至地之日與耶蘇生同時至隋世回教興始為正
法五百之歲由其說則佛生距漢明永平三年感
夢之時僅七十二歲是佛與明帝同時據已名聞
漢廷光徵帝夢而白馬駝經之使竟當親覲金容
面聆口授乎至像法千年則俞氏以佛授記旃檀
像於佛滅度千年後像往震旦當之

見輟耕錄元碑即使

果如所論而旃檀佛像以梁天監十年四月五日

至揚都

見法苑珠林

距周匡王六年佛滅度時千有百

載亦正合千年之讖若佛滅於漢章帝時則至梁

天監僅四百餘年耳佛滅四百載旃檀佛像已離

西域適中土安得謂西方像法垂千年乎俞氏於

漢永平之夢則欲減佛壽為六十七歲以就之於

像法千年又有旃檀像至宋太平興國始移東都

當之不以其離西土之歲而以其在中土遷移之

歲則此像至今尚存燕京旃檀寺不將謂像法二

又土

千年耶考證彌勤踏墊彌遠天方關佛天主豈不
關佛乃以正法之替獨歸之回教乎計道光二十
有一年距周匡王五載佛滅度之歲凡二千有四
百四十四年距漢元壽初天主耶蘇降生之歲千
有八百四十二年距隋開皇十四載回教主辭世
日千有一百五十年今列中國西洋年表而以回
教佛教年歲較其後云瑩謂家語孔子言黃帝之
德三百年曰服其教者百年畏其神者百年蓋在
崩後然天下被其德者萬世豈止三百年而已釋

氏正法五百年象法千年之說彷彿其意固實有
事證未可盡以爲荒誕也特中土未得異域之書
足不出乎房闥輒以聞見不及而誕之此何異夏
蟲語冰乎佛生之歲前乎孔子行其教於西以先
聖之多聞甯不之知特不欲以惑吾人故曰索隱
行怪後世有述焉不曰後世有作則固明有所指
矣列子乃有西方聖人之稱託其說於孔子此豈
孔子之言哉及乎今日異域之言已盈天下乃猶
爭之曰無有是事則愚矣故錄佛教天主回教之

曰

大凡俾世知其說無相震驚也 余前以禹貢三危卽察木多及前後藏地蓋本一統志頃得和泰庵西藏賦自注云三危者猶中國之三省也察木多爲康布達拉爲衛札什倫布爲藏合三地爲三危又名三藏竄三苗於三危故其地皆苗種此猶可據也又引括地志天竺國有東西南北中央五天竺大國隸屬二十一在崑崙山南謂康衛藏在天竺之東卽東天竺泰庵此言則誤矣考衛藏圖識由後藏塞爾地方行十餘日交白木戎界再半

月餘至宗里口又數日始至白木戎住牧地由白木戎西去

瑩按此言西去則以上皆南行可知

十餘日交小西天界

再行十餘日始至小西天從此登舟涉海約半月卽至大西天矣據此言之去後藏之塞爾地方兩月餘且需涉海乃至大西天西天者蕃人稱佛國之謂諸佛出此故以大西天名之此真天竺也卽小西天不必涉海亦尙在後藏之西南界外則後藏非小西天明矣若康衛藏爲東天竺則藏人當自以爲小西天矣何反指後藏外行將兩月之地

邏

爲小西天乎且唐時王元策襲執天竺國王其時吐蕃贊普已以遇娑川爲國都前後藏皆吐蕃地旣稱天竺必非藏地明甚何得混藏地爲天竺乎佛經所言山水地名今前後藏皆無之則其去天竺遠矣樓炭經云蔥嶺以東名震旦蓋西域稱中國之名也初祖達摩曰當往震旦設天法樂遂泛重溟達於南海傳法觀此益可見諸佛國自南而往本尙隔海則五天竺俱不得在今藏地斷斷然矣今之藏地或卽括地志所云五天竺隸屬之國

耳括地志明言五天竺在崑崙之南若前後藏則在崑崙之東矣豈可混耶 唐史言天竺去京師九千六百里指長安而言也今陝西西安府至成都二千一百餘里成都至後藏七千四百餘里合之正當九千六百餘里然則天竺者其今後藏外之阿里以西地乎阿里在後藏西地千餘里其東有岡底斯山與後藏接境北與和闐葉爾羌諸山相聯屬蕃人謂卽梵書之阿耨達山其南有池謂卽阿耨達池地名阿里者卽以此山得名衛藏圖

爾

正誼錄

識言阿里噶爾渡之民見官長不除帽以右手指額念唵嘛吽者二是其為天竺之教無疑第未審其為天竺何境大約近北中二天竺之間也

深曰

魏默

阿耨達池出四大水東流為黃河西南流為恒河為縛芻河今黃河源距岡底山數千里如何可通不以蕃人之說為然宋程大昌考古編曰五天竺皆釋氏

地五天竺與波斯接五天竺皆在長安西南唐史記其地去都城九千六百里以其東行所經諸國及中州地理併數之尚不及萬里唐史信世之所傳謂為幅圓三萬里則已夸矣僧元奘西域記乃

言五印度境周九萬里一何荒誕之甚耶又元奘以貞觀三年往至十九年回其間以年計自當得五千餘日而已三分其日之一以為屆止詢訪之日則其在行者不過十年不知十年之力何以能周徧九萬里而經涉他國地理又未在數此可見其妄甚明也魏默深云唐書幅員三萬里者圍員之數圍三徑一計之裁萬里耳乾隆中開闢新疆二萬餘里然天山南北路縱橫皆不過六千里則所謂一萬里者亦圍員之數非徑一之數程氏誤

正宜錄 後漢西域論贊 五

認周圍爲徑廣元裝則以開方爲徑廣胥失之矣
然則五天竺果徑萬里乎曰明史歷志謂天方回
國在烏斯藏西八千餘里其地爲西印度之極邊
而西藏緬甸亦皆東印度邊境此東西徑萬里之
明証也北印度至南印度海濱約計六七千里而
南海中三千里爲僧伽刺島亦佛說楞伽經之地
屬南印度此南北徑萬里之明証也徑一則圍三
故知唐書幅員三萬里之說確不可易余謂魏說
得之而以西藏緬甸爲東印度邊境則未必然今

西洋人言俄羅斯幅員二百零四萬方里又有所
得新藩地東抵海北抵冰海西界歐羅巴洲內部
落南界中國蒙古索倫幅員五十萬方里又言阿
丹國東西距千二百里南北距千五百里幅員百
十六萬六千方里可見凡云幅員百十萬方里者
皆以開方法言如阿丹國幅員百十六萬六千里
而言其東西距僅千二百里南北距僅千五百里
耳新唐書又云波斯居達邊水西距京師萬五千
里而羸夫五天竺之境旣云西抵波斯又東距長

安九千六百里則是五印度之境東西約六千里
西藏波斯皆非天竺也其南北雖不可知要亦不
過數千里耳元奘所云周九萬里當亦以開方計
之特少一方字遂為詭病但開方法方千里者為
方一里者百萬五印度地姑以方五千里計之當
二千五百萬方里元奘所云周九萬里者以方里
言之猶多未盡蓋昔人以遐方異域不復深求即
元奘未必了然無論宋人矣 皇清文獻通考言
四裔曰俄羅斯以千步為里後改五百步為里然

則較中國里數其狹甚矣幅員方里之說烏可以

中國類之耶

揚升庵經說解肇十有二州曰春秋
緯云神農地過日月之淮南子曰

神農大九州桂州迎州神州等州是也至黃帝以
來德不及遠惟于神州之內分為九州括地象曰
崑崙東南萬五千里名曰神州是也黃帝以後少
昊高辛皆仍九州惟舜時暫置十二州故書曰肇
十有二州肇之為言始也至夏還為九州左傳云
夏之方有德也貢金九牧可證瑩按舜改九州為
十二州建置十二牧如舜典所載乃舜受命以後
事堯猶在也大禹治水書不言始於何年竣功告
成又不言何歲大約治水亦在虞舜受命禹作司
空之後及治水告成乃更還定為九州皆有虞一
代之事也自堯典至甘誓文尚書皆謂之虞夏書
故堯舜大禹三聖人事皆通紀之以揖讓相承故
通紀之曰受命至商周以征誅改易稱之曰革命
然則舜之十二州猶堯命之禹之九州猶舜命之

表

云爾非易姓改制之謂也人皇氏兄弟九人分治九州即大九州也大九州之分始此蓋天皇地皇之世其德盛神遠天之所覆地之所載皆其所治混沌淳悶人事未開其所動作神靈有不可思議者矣人皇之世土宇漸廣人物漸繁勢須分理故兄弟九人分地而治春秋命歷序曰人皇氏依山川土地之勢財度為九州謂之九圍各居其一而為之長人皇居中州以制八輔似即括地象所云也括地象又云禹所治四海內地東西二萬八千里南北二萬六千里有君長之州州有九阻中土之文德及而不治由此言之伏羲神農女媧之世治猶及遠黃帝之世乃專治神州然八州之地猶有治所及者自此以後則治不及矣治既不及紀載無稽故尚書斷自唐虞惟治所及者詳之而已括地象言崑崙東南萬五千里名曰神州蓋中州也鄭注尚書引地記書曰崑崙山東南地方五千里名曰神州較括地象少一萬里鄭解之曰此禹弼成五服之殘數也鄭意似亦少之未知鄭所據

千

地記何書康成好用緯識括地象乃河圖緯書之一不應舍之別取今天下輿圖崑崙東南實萬五千里所云地記書豈即括地象命歷序等乎以非一書故總稱地記耳日月出入大地外乃云神農地過日月之表緯書修言可笑鄒衍云九州之外復有九州史記及河圖括地象皆同其說隋代郊天嘗以其名人從祀之位史炤通鑑釋文曰此九州其崑崙統四方之九州乎或曰神農地過日月之表蓋神農之九州也淮南子諸書云九州東南神州曰旦土一作晨土正南曰深土一州東作迎深一作沃西南戎州曰滔土正西弇州曰升土弇一作坵升一作拜正中冀州曰白土西北柱州曰肥土正北元州曰成土元一作營東北咸州曰隱土隱一作急正東陽州曰信土此大九州之說出於戰國時周太史所掌三皇五帝之書及楚史倚相所讀三墳五典八索九丘或猶有存者似可信也道經云海外有五岳靈一曰廣乘之山天之東岳也在東海之中為發生之首上有碧霞

大

土土土
土土

正

之闕瓊樹之林紫雀翠鸞碧藕白橘主歲星之精
 居九氣青天之內二曰長離之山天之南岳也在
 南海之中上有朱宮絳闕赤室丹房紫草紅芝霞
 膏金醴主熒惑之精居二氣丹天之內三曰麗農
 之山天之西岳也在西海之中上有白華之闕三
 素之城玉泉之宮瑤林瑞獸主太白之精居七氣
 素天之內四曰廣野之山天之北岳也在北海弱
 水之中上多瓊樓碧闕金液龍芝主辰星之精居
 五氣元天之內五曰崑崙之山天之中岳也在八
 海之間上當天心形如偃蓋東曰樊桐西曰元圃
 南曰積石北曰閼苑上有瓊華之闕光碧之堂瑤
 地翠水金井玉梁主鎮星之精居於中元一氣天
 中焉此道經所言海外五岳則無稽之談因大九
 州之言而衍之不足信矣即如崑崙一山今已入
 版圖矣何嘗有
 如所云者哉

同

書